

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-4723/17

Datum, 20. 02. 2018. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o privremenom finansiranju Općine Srebrenik, („Sužbeni glasnik općine Srebrenik, broj: 11/17), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-4723/17 od 20.02.2018. godine, u postupku javne nabavke: "Izrada Glavnog projekta rekonstrukcije puta Špionica-Ravnuše-zgrada Štaba TO ('Austrougarski put)", je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-4723/17 od 20.02.2018. godine i Ugovor za javnu nabavku: **Izrada Glavnog projekta rekonstrukcije puta Špionica-Ravnuše-zgrada Štaba TO ("Austrougarski put")**, dodjeljuje se ponuđaču **EDI-ING DOO Donji Vakuf**, ponuda broj: 01-04-P/18 od 09.02.2018. godine, za ponuđenu cijenu od **8.073,00 KM sa PDV-om** kao prihvatljivu.

II

Ponuđač je dužan u roku od **5 dana** od dana prijema ove odluke, dostaviti dokaze po članu 45. stav (2) Zakona o javnim nabavkama BiH. Dostavljeni dokazi moraju biti original ili ovjerene kopije.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-4723/17 od 29.12.2017. godine.

Javna nabavka je sprovedena Konkurentskim zahtjevom za dostavu ponuda broj: 07-4723/17 od 31.01.2018. godine.

Procijenjena vrijednost javne nabavke bez PDV-a je 11.794,87 KM.

Obavještenje o nabavci broj: 761-7-2-21-3-21/18 poslato je na objavljivanje dana 31.01.2018. godine, a objavljeno je na Portalu javnih nabavki dana 31.01.2018. godine.

Komisija za javnu nabavku imenovana je Rješenjem broj: 07-4723/17 od 01.02.2018. godine.

Ponude po Konkurentskom zahtjevu za predmetnu nabavku su dostavili slijedeći ponuđači:

- 1. IBIS DOO Zavidovići**, u ukupnom iznosu od **8.950,00 KM** bez PDV-a,
- 2. EDI-ING DOO Donji Vakuf**, u ukupnom iznosu od **6.900,00 KM** bez PDV-a,
- 3. ARTING BH DOO Sarajevo**, u ukupnom iznosu od **8.899,00 KM** bez PDV-a,
- 4. PLANINVEST DOO Brčko**, u ukupnom iznosu od **10.480,00 KM** bez PDV-a,
- 5. GEOPUT DOO Banja Luka**, u ukupnom iznosu od **11.400,00 KM** bez PDV-a,
- 6. INPROS DOO Mostar**, u ukupnom iznosu od **8.850,00 KM** bez PDV-a,
- 7. SARAJ INŽENJERING DOO Sarajevo**, u ukupnom iznosu od **8.990,00 KM** bez PDV-a,

8. BAUGLAS DOO Gračanica, u iznosu od 11.794,87 KM bez PDV-a, i sa ponuđenim popustom u iznosu od 3.304,87 KM, tako da ukupna ponuda iznosi **8.490,00 KM** bez PDV-a,

9. URBIS CENTAR doo Banja Luka, u ukupnom iznosu od **11.500,00 KM** bez PDV-a,

10. Institut za građevinarstvo IG Banja Luka, u ukupnom iznosu od **9.800,00 KM** bez PDV-a, i

11. Invest-Projekt DOO Zenica, u ukupnom iznosu od **9.887,00 KM** bez PDV-a, i

12. TRAFFICON DOO Odžak, u ukupnom iznosu od **9.700,00 KM** bez PDV-a

U prvom dijelu rada Komisije, konstatovano je da je, blagovremeno, pristiglo dvanaest pravilno zatvorenih ponuda. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača **IBIS DOO Zavidovići, EDI-ING DOO Donji Vakuf, ARTING BH DOO Sarajevo, PLANINVEST DOO Brčko, GEOPUT DOO Banja Luka, INPROS DOO Mostar, SARAJ INŽENJERING DOO Sarajevo, BAUGLAS DOO Gračanica, URBIS CENTAR doo Banja Luka, Institut za građevinarstvo IG Banja Luka, Invest-Projekt DOO Zenica, i TRAFFICON DOO Odžak**, Komisija je konstatovala da su iste potpune tj, da su dostavljeni svi dokazi i da svi zadovoljavaju zahtijevane kvalifikacione uslove, te su iste prihvatljive za dalje razmatranje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz konkurentskog zahtjeva.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:


Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 12x,
2. Evidenciji,
3. Arhivi.

OPĆINSKI NAČELNIK

Dr. sci. Nihad Omerović